



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXXIX. Gregorii Papae I. Ad Romanvm, Fantinvm, &c. Vt episcopi
cum mulieribus non habitent.

urn:nbn:de:hbz:466:1-15221

subsidium. Quia ergo dilectissimus filius noster Cyprianus diaconus, Gaudiosum defensorem sedis nostræ, qui Syracusis degere comprobatur, paupertatis afferit inopia constringi; idcirco experientia tuae præsentium auctoritate mandamus, ut a præsenti secunda indictione sex solidos annis singulis ei dare non differas, ut & ille huius remedii solatio potiatur, & tu quod dederis, tuis sine dubio noueris rationibus imputandum.

I.
PISTOLA XXXIX.

GREGORII PAPÆ I.

AD ROMANVM, FANTINVM, &c.

Ut episcopi cum mulieribus non habitent.

Gregorius Romano defensori, Fantino defensori, Sabiniano subdiacono, Hadriano notario, Eugenio notario, Felici subdiacono,
Sergio defensori, Bonifacio defensori, & paribus,
& sex patronis.

QVIA sicut cauta prouisio & culparum vias obstruere, & nouit quæ sunt noxia declinare, ita neglectus patet excessibus, & quæ sunt cauenda solet incurrere; magnam nos solicitudinis oportet curam impendere, & fratum sacerdotumque nostrorum opinioni pariter & cautelæ prospicere. Peruenit autem ad nos quosdam episcoporum sub prætextu quasi solatii in una domo cum mulieribus conuersari. Et ideo ne per hoc aut subsannatoribus iusta obtreftationis detur occasio, aut facilem antiquus humani generis inimicus materiam deceptionis assumat, huius tibi serie præceptionis iniungimus, ut strenuum te studeas & sollicitum exhibere. Et si qui episcoporum, quos commissi tibi patrimonii finis includit, cum mulieribus degunt, hoc omnino compescas, & de cetero eas illic habita-re nullo modo patiaris, exceptis eis quas sacerorum Canonum censura permittit, id est, matre, amita, germana, & aliis huiusmodi, de quibus praua non possit esse suspicio. Melius tamen faciunt, si etiam a talium se cohabitatione contineant. Nam legitur quod beatus Augustinus nec cum sorore sua habitare consenserit, dicens: *Quæcum soro-re mea sunt, sorores meæ non sunt.* Docti ergo viri cautela, magna nobis esse debet instructio. Nam incautæ præsumptionis

Concil. Tom. 13.

Nnnnij

est, quod fortis pauet, minus validum non timere. Sapienter enim illicita superat, qui didicerit etiam non vti concessis. Et quidem nos nullos in hoc nolentes astringimus; sed, sicut facere solent medici, et si ad tempus tristem curram, tamen pro salute dictamus. Et idcirco non necessitatem imponimus: sed si imitari doctum sanctumque virum elegerint, ipsorum voluntati relinquimus. Tua igitur experientia, ut seruari debeat ea quæ prohibenda mandauimus, studium & solicitudinem gerat. Nam si aliter postmodum inueniri contigerit, non leue se apud nos nouerit periculum incursum. Præterea curæ tuæ sit eosdem fratres nostros episcopos adhortari, ut subiectos sibi in sacris videlicet ordinibus constitutos, quod ipsi seruant, ad similitudinem sui modis omnibus seruare commoneant; hoc tantummodo adiecto, ut hi, sicut canonica decreuit auctoritas, vxores, quas caste debent regere, non relinquant. Data Mense Martio, indictione secunda.

EPISTOLA XL.
GREGORII PAPÆ I.
AD ROMANVM DEFENSOREM.

Vt Calixeno filio Stephaniæ donationem restituat.
Gregorius Romano defensori.

MENSE Nouembri præsentis secundæ indictionis experientiæ tuæ præceptione nostra mandauimus, ut Calixeno filio Stephaniæ domum Catinæ possessionis, quam Ammonia auia eiusdem Calixeni ecclesiæ nostræ facta donatione contulerat, reddere ei donationem eamdem tandem debuisses. Quod hac, vt dicitur, excusatione facere distulisti, quia notitia eiusdem donationis non esset de polyptychis charaxata. Quod incongrue te dixisse cognoscas, dum ad munitionem tuam præcepti nostri pagina posset valde sufficere. Proinde præsenti auctoritate suscepimus, prædictam domum & donationem antefato Calixeno orphano sine mora restitue. Nam quod iustum & ipse sentias nouimus, & nos tamen prædicto eidem orphano supradictam domum ex benignitate largimur.